



Ullaq: 27. marts 2015
J. nr.: 01.31.11-00014

Suliap nr.
Dok. Nr.

Postboks 909
3900 Nuuk
Oqarasuaat (+299) 34 50 00
Fax (+299) 32 52 86
E-mail: isan@nanog.gl
www.naalakkersuisut.gl

Naalakkersuisut 2015-imut Aningaasanut Inatsisissamut Siunnersuutaat – Februar 2015

2.8. Kontomut pingaarnermut 72.20.10-mut Usinik assartuineq

- a) RAL-ip nunaqarfinni umiarsuaatai atorlugit nunaqarfinnit usinik assartuinerneq atuisut akiliutaannit qanorplaq amerlatigisut isertinneqartarpat aammalu nunaqarfinni usinik assartuineq ingerlatiinnarniarlugu aningaasartuutinit qanoq amerlatigisut atuisut akiliutaannit taakkunanga matussuserneqartarpat?

AKISSUT: RAB paasissutissiivoq 2013-2014-imi kaaviiartitanit 68 mio. kr.-iusunit agguaqatigiissillugu 6,3 mio. kr.-iusimasoq, tassa 9,5% missaanniilluni. 2016-imit sullissinissamut isumaqatigiisummut tapiliussassat qaffanniarneqarput, umiarsuit nutaat tunniunneqarpata aningaasartuutit qaffasinneruneri peqqutaallutik. Sullissinissamut isumaqatigiisummut tapiliussassat aningaasaliissutinut tapiliussassanit amerlaqataannik qaffanneqartussanit matussuserneqassapput. Tamanna isumaqarpoq 2016-imit atuisut akiliutaat kaaviiartitanit tamarmiusunit annertuallaanngilaq, naatsorsuutigineqarlunilu 6 % missaanni-ilerumaartoq.

- b) Ingerlaarfinni tamani RAB-ip ingerlatsinera qanoq annertutigisoq aningaasaliissutinut akiliutinut matussuserneqartarpat?

AKISSUT: Umiarsuit nutaat tunniunneqarpata RAB-imi aningaasartuutit tamarmiusut qaffassapput. Piffissami 2016-2020-mi RAB-ip aningaasartuutai agguaqatigiissillugu 35 %-ii sullissinissamut isumaqatigiisummut tapiliussassanit qaffaanerit matussuserneqartassapput (aningaasaliissutinut tapiliussassanit). 2015-imi, ukiumi ikaarsaariarfiusumi, 16 %-iinnaat matussuserneqarnissaat naatsorsuutaavoq, tamannalu peqquteqarpoq aningaasartuutit appasinnerunerannik, tassami umiarsuit aatsaat ukiup affaata aappaani tunniunneqartussaagamik.

- c) Suliassaqarfimmut tapiissutit annikillisinneqarnissaat siunertaralugu siunissami pitsanngorsaasoqarnissaanut pisariillisaasoqarnissaanullu Naalakkersuisut periarfissaqartoq isumaqarpat? Imaluunniit Naalakkersuisut akерlianik isumaqarpat ingerlatse-qatigiiffik ima pitsaatigisumik ingerlanneqartoq RAB-ip ingerlanneqarnerani aningaasartuutit annikillisarinnissaat allatulluunniit pitsanngorsaasannaasoq pisariaqanngitsoq?

AKISSUT: 2015-imi upernaakkut suliffeqarfissuup RAL-ip ataani ingerlatseqatigiiffiit soorlu RAB-itut ittut misissoqqissaarneqassapput. Misisueqqissaarnermi sammineqassapput ingerlatseqatigiiffiup aningaasaqarnera, suliassai, inatsisitigut tunngavii il.il. tamatumani paasiniarneqarluni assartuinnermi sumi pisariillisaasoqarsinnaanersoq aamma pitsanngorsaasoqarsinnaanersoq. Naatsorsuutigineqarpoq sulineq 2015-imi tamarmi ingerlanneqassasoq.

3.15. Immikkoortoq 5.1, Ineqarnermut tunngasut, qupp. 101

Namminersorlutik Oqartussat inissiaataannik pisariinnerusumik assigiiaarnerusumillu aqutsiviusinnaasumik aqqissugaanermut periutsit assigiinngitsut misissoqqissaarneqarnerat aallartinneqarsimasoq Naalakkersuisut paasissutissiissutigaat.

- a) Suliassaqarfimmi nalunaarusiortoqareersimannginnera misissuisoqareersimannginneralu eqqissaartoqarnissaa ataatsimiititaliap paasiuminaatsippaa. Akерlianik attartortitsineq pillugu inatsimmik nutaamik imaluunniit assersuutigalugu Illuutip ingerlatsineranut maleruaqqusanik suliagarneq ukiunik arlalinnik kinguaattooqqavoq. Taamatut misissueqqissaarinnermit paasissutissat nutaat suut naatsorsuutigineqarpat aammalu ineqarnermut politikimik eqeersimaartumik ingerlatsisoqariinngila?

AKISSUT: 2005-ip kingorna, Namminersorlutik Oqartussat inissiaataasa kommunenut tunniunnissai Aqqissuussaaneermut Ataatsimiititaliap inassutigimmagu, kommunenut isumaqatiginninniutigineqarpoq Namminersorlutik Oqartussat inissiaataannik tigusinissamut tunngasunik. Ukiuni 2005-ip kingorna inissianik tigusinissamik kommunit tungaannit kissaatigineqanngilaq. Inissiat taamanili aserfallatsaaliorneqarsimannginnerannik tamanna pissuteqarpoq. Taamaammat maanna suliniartoqarpoq aqqissuussinissamik piginnittuunissamullu tunngasunik periarfissanik misissuisoqarluni. Inissiat sapinngisamik pitsaanerpaamik ingerlannissaat siunertaavoq - taamaammat inissiat pillugit akisussaasumik oqartussaasumillu ersarissumik inissiisoqartariaqarpoq, tassa piginnittut aamma ingerlatsisut ataasiusariaqarput.

Amerlanerusut namminerisamik illoqalernissamut periarfissinneqarnissaannik, tassungalu ilanngullugu Namminersorlutik Oqartussat Illuutillu inissiaataasa attartortumit piginnittumut allanngortinneqartarnerannik ingerlatsiinnarnissamik, Naalakkersuisut oqarnerat ataatsimiiti-taliap isumaqatigaa.

- b) Namminersortut aningaasaliisartut namminneq piumassutsiminnik ullumikkumit an-nertunerusumik inissianik sanaartorsinnaanissaasa siuarsarneqarnissaanut Naalakkersuisut suut periarfissaasoraat?

AKISSUT: Illuliortiternernut aningaasalersuineq pillugu Inatsisartut peqqussutaat nr. 1, 7. maj 2007-imeersumi, Inissialiornermut, illunut ataatsimoorussanut, illulissanut katitigassanut il.il. tapersiisuteqartarneq pillugu Inatsisartut peqqus-

sutaat nr. 11, 19. november 2007-imeersumi kiisalu Piginneqatigiilluni inissiat eqqarsaatigalugit oqaatigineqassaaq attartornermut peqqussummi pitsaasorujussuarnik aaqqissuussinernik peqareerpoq. Namminersortunilluunniit inissialortoqarsinnaaneranut sinaakkutissanik peqareerpoq. Suliassa qarfiup tamatumana aningaasaliffigeqqinneratigut nukittorsarneqaqqissinnaavoq, taamaaliornikkut qinnuteqartut tamarnik akuerineqarsinnaaniassammata.

- c) Inuit qanoq amerlatigisut namminerisamik inissiaateqalernissamut periarfissallit amerlanerpaaffeqartariaqartut Naalakkersuisut isumaqarpat?

AKISSUT: Inissiaatillit inissiaatimi tuniniarnerani tunisinnaagallartillugit inissiallu akissaajaataannartut nuttarnermullu ajoqutaannartut isigineqartinnagu inissiamik piginneqataasut qassiusinnaaneri killilerneqanngillat. Kisianni aningaasaliisartut inuit ilaqutarillu namminneq illutaarusuttut akiliisinnaassusaat nalilersortarpaat. Tamatumana qulakkeerniarneqarpoq kinaluunniit akilersinnaanngisamik akiitsoqalinnginniassammata.

Ineqarnermut tunngasuni tapiissutit innuttaasunut aningaasaqarnikkut pissakinnersusunut ullumikkornit annertunerusumik sammitinneqartariaqarnerannik Naalakkersuisut oqarnerat ataatsimiititaliamit isumaqatigineqarpoq.

- d) Tapiissutit atuuttut aningaasaqarnikkut naligiinnginnermik pilersitseqataanerannik Aningaasaqarneq pillugu Siunnersuisoqatigiit oqarnerat Naalakkersuisunit isumaqatigineqarpa?

AKISSUT: Manna aaqqissuussinerit (b-mi eqqaaneqartut) tunngaviulluinnarput innuttaasut, pisortat inissiaataanni attartortussaagaluit, namminneq inissialortarmata imaluunniit inissiamik pisisarmata. Taamaalilluni pisortat inissiaataanni utaqqisut ikilisarput. Innuttaasut, namminneq inissialortut imaluunniit inissiamik pisisartut isertitaat peqqutaallutik namminneq inissiaartaarnissaminut akissaqarput. Taamaalilluni inissiaq immini aningaasaqarnikkut assigiinngilersitsinngilaq. Innuttaasooq nammineq inissialoriusuttoq imaluunniit inissiamik piserusuttoq isertitami annersaa inissiaminut atussavai (attartukkat akilersornerinut taakkulu erniaannut, aserfallatsaaliinnermut, ilaatigut piginneqatigiilluni kattuffimmut akiliinnermut kiisalu sillimmasiinnermut) pisortat inissiaataannik attartortumut sanilliullugu. Taamaammata inissiamik piginnittunngornermi attartortumut sanilliullugu aningaasat atorsinnaasat ikilissapput.

- e) Ataatsimiititaliaq isumaqarpoq ineqarnermut tunngasuni tapiissutit aningaasaqarnikkut naligiinnginnermik pilersitsisut annikillisinneqarpata pitsaane-russannginnersoq, taarsiullugulu isumaginninnikkut ikorfartuutit (ineqarnermut tapiissutit) pisariisut siuarsarneqarlutik. Naalakkersuisut tamanna qanoq isumaqarfigaat. Naalakkersuisut tamanna qanoq isumaqarfigaat?

AKISSUT: Naalakkersuisut isumaqarput inissiaqarnermut tunngasuni periutsit (b-mi eqqaaneqartut) attatiinnarneqassasut, immaqa nutarsarlugit (g takuuk). Taamaattoq tamatumani mattunneqanngilaq inuiaqatigiinni sanngiinnerpaat isumagineqarnissaat pitsaasumillu inissaqarnissaasa qularnaarnissaat.

Naalakkersuisut oqaloqatiginninnissamut ammapput taamaammallu april 2015-imi inissianut politikki pillugu isumasioqatiginnissamut qaaqquusillutik, tassani

oqaloqatigiissutigineqassapput inissiaqarnermut politikimi anguniakkat periut-sillu pingaarnerit, tassani ilaatigut ilaassallutik ataatsimiititaliap apeqquai.

- f) Illoqarfinni mikinerusuni namminerisamik illuliornissamut aningaasalersuutissanik taarsigassarsisitsinissamut kreditinstituttit tunuarsimaarfigisaanni aningaasalersuinikkut ajornartorsiutaagajuttut Naalakkersuisunit qanoq aaqqiiviginia-rneqarpat.

AKISSUT: Sallunaveeqquteqarluni taarsigassarsisarneq aningaaseriveqarnerlu suliasaqarfiupput sakkortuunik piumasaqaateqarfiusut. Naalakkersuisut suliasaqarfimmi tamatumani akulerukkusunnigillat. Akerlianilli inissaaleqineq pisortanit attartortittakkanik inissianik ikiorserneqarsinnaavoq, soorlu kommuni sanaartornerit, ilaqutariit arlallit inissiaat imaluunniit illulioqatigiinnernit.

- g) Nutaanik sanaartornermut atatillugu ineqarnermut tunngasuni pisortat tapiis-suteqartarnermik aaqjissuussaata inissianik niuerfinni equititsinnaasut aammalu inissianik niuerfiup piusup ilaanut pisortanit tapiissuteqarfigineqarneq ajortumut kigaallisaataasinnaasutut Naalakkersuisunit nalilerneqarpat?

AKISSUT: Tamatumani equititsisoqarsinnaavoq, soorlu attartugaqarani inissianik sanaartornerni, imaluunniit attartukkap qanittukkat akilernerqartussanngornerani akiata apparnerani. Naalakkersuisut taamaammat suliniutinik tamatumunnga akiusussanik misissuerusupput. Periaatsit ilagisinnaavaat piginnittumik paarla-assinermi tapiiussanik eqqussinermi assersuutigalugu 20/20/60 naapertorlugu attartortortitsisalerneq, kiisalu attartukkat attartukkat Namminersorlutik Oqartus-sanut aalajangersimasumik akiliisarnikkut, ukiuni 20-ni erniaqanngitsunik akili-inertaqanngitsumillu pinnagu.

- h) Naalakkersuisut isumaat malillugu Namminersorlutik Oqartussani sulisut sulisorisanut inissiallit attartortumit piginnittumut aaqjissuussineq malillugu inissi-aminnik tiguisinnaanerannut suut akimmiffiusinnaappat? Sulisorisanut inissiat qassit Namminersorlutik Oqartussani sulisunut sulisorisanut inissialinnut Naalakkersuisunit tunineqarsimappat?

AKISSUT: Inissiaq sulinermit atatillugu tunniunneqarsimanersoq pillugu paasis-sutissaqanngilaq, tassami suliamik suliarinninnermi suliamut tunngaviutissallugu tamanna ilaatinneqanngimmat.

2014-imi Nuummi illumik attartortumit piginnittunngornermut suliamik ataatsimik peqarpoq.

2013-imi Nuummi inissiamik attartortumit piginnittunngornermut suliamik ataatsimik peqarpoq kiisalu illumik attartortumik piginnittunngortumik aamma ataatsimik peqarluni.

2012-imi attartortumit piginnittunngornermut sulianik peqanngilaq.

Qulaani pissutsit eqqarsaatigalugit Naalakkersuisut isumaqarput attartortumit piginnittunngornermut aaqjissuussaq ajoqutaanngitsaq, soorlu inuttassarsiornermi.

3.16. Immikkoortoq 5.2, Mittarfiit, qupp. 102

Innuttaasut takornariallu ornitassaanni nunaniit tamalaanik tikinneqarsinnaasunik mittarfi-ortoqarnissaata isumatusaarneruneranik Naalakkersuisut oqarnerat ataatsimiititaliamit isumaqatigineqarpoq. Naalakkersuisut paasissutissiissutigaa aningaasalersuineq

akilersuutit erniallu aningaasaliinermi isertitatigut akilernerqarsinnaanissaat pillugu Naalakkersuisut tunngavii eqqarsaatigalugit pisortanit taarsigassarsinikkut pisinnaasoq.

- a) Suliniutit inuiaqatigiit aningaasaqarnerat eqqarsaatigalugu akilersinnaasuseqarlutillu akisussaassuseqartumik ingerlanneqarnissaannik Angallanneq pillugu Isumalioqatigiissitat kaammattuutaannut piumasaqaat kingullertut taaneqartoq qanoq ililluni sanilliunneqarsinnaanersoq paasissutissiissutigineqassasoq ataatsimiititaliamit kissaatigineqarpoq?

AKISSUT: Assartuinnermut Isumalioqatigiissitap suliniutit inuiaqatigiinnut aningaasaqarnikkut akilersinnaanerat isiginiarsimavaat, taamaattoarli aamma pingaarpoq ilanngutissallugu mittarfiit imminnut akilersinnaanersut misissorneranni mittarfinnik ingerlatsinermi aningaasartuutit isiginiassallugit. Taamaammat Akiitsunut aningaasaliissutinullu periusissiami periaatsit nalilersuinnermut ilanngunneqassapput, soorluttaaq Mittarfiit pillugit inatsimmi aningaasat pillugit aalajangersakkat malinneqassasut.

- b) Isummersuutit siuliani taaneqartut aallaavigalugit mittarfeqarfiit sorliit ataatsimut isigalugu maannangaq aallareriaannaasutut Naalakkersuisunit isigineqarpat?

AKISSUT: Naalakkersuisut maanna sulissutigaat nunatsinni mittarfinnut inerisaanissamut ataatsimoortumik pilersaarusiortoqarnissaa, tamatumunngalu atatillugu Inatsisartuni UKA15-imi aalajangiiffigisassatut siunnersuusiortoqarnissaa naatsorsuutaalluni. 2015-imut Aningaasanut Inatsisassap saqqummi-uneqarnerani mittarfiit 5-t siullertut pilersaarusiortfigineqarput:

Mittarfik	Pingaarnertut anguniagaq
Ittoqqortoormiit	Nerlerit Inaanni timmisartoqarfimmik ingerlatsinermi timmisartuussisanermilu ingerlatsinikkut sipaaruteqarnissaaq. Suleqatigiinnissaaq pillugu Illersornissaaqarfimmik oqaloqatiginnittoqarpoq.
Tasiilaq	Islandimit takornariaqarnikkut periarfissanik timitaliineq
Qaqortoq	Innuttaasut angallanneqarnissamik pisariaqarfiitaat naammassissavaa
Nuuk	Angallasseriaatsit atuuttut pisariillisassavai takornariaqarnerlu pitsanngorsaaffigalugu
Ilulissat	Qeqertarsuup Tunuani takornariaqarneq annertusarneqassaaq, pitsanngorsarneqassalluni periarfissallu timitalerneqassallutik

- c) Mittarfinnut ataasiakkaanut aningaasalersuutit utertillugit akilernerqarnissaannut ilaasunik angallassinermut tapiissutit isertitsissutaasinnaanerat qanoq sunniuteqarpat?

AKISSUT: Ilaasunik angallassinermut tapiissutit mittarfissanut aningaasaliinissamut sanilliullugit annerusumik sunniuteqanngillat. Tamanna peqquteqarpoq timmisartuussinissamik sullissinissamut isumaqatigiissusiorfinni timmisartuussinerit amerlanerpaat qulimiguulinnut mittarfinnut tunngammata, taakkulu aningaasaliinermut ilaanatik. Taamaattoq mittarfiit marluk tapiissuteqarfigisarnerinut tunngatillugu sunniuteqarluassapput. Tassaappullu Ittoqqortoormiit, tassani sullissinissamut isumaqatigiissutip atorunnaarsinneqarsinnaalluni, illoqarfiup eqqaani mittarfiliortoqaruni, kiisalu Kujataani, Qaqortumi mittarfiliortoqaruni Narsarsuup Qaqortullu akornanni timmisartuussisarnerit amerlasuut atorunnaarsinneqarsinnaallutik.

- d) Attaveqarnermut, soorlu mittarfinnut atatillugu aningaasalersuutit eqqarsaatigalugit tapiiffigeqatigiittarneq qanoq sunniuteqarpa?

AKISSUT: Naalakkersuisut pingaartippaat attaveqatigiinneq nunami tamarmi ataqatigiissup ineriartorfiusullu pilersinnissaa. Tassa imaappoq, aallaavittut pi-umasaqaataavoq mittarfiit ataasiakkaat aningaasatigut imminut akilersinnaanis-saat, taamaattoq mattunneqarsinnaanngilaq mittarfiit ilaat taamaallaat imminut akilersinnaalissapput attaveqatigiinnermut annerusumik aningaasa-liisoqaqqippat. Uani ilaatigut eqqarsaatigineqarpoq Qaqortumi mittarfik, Narsa-mut attaveqalemikkut ilaasut amerlassusaannut pingaaruteqartorujussuus-saalluni.

3.24. Immikkoortog 10, AIS 2016-imik piareersaaneg, qupp. 112

- a) Akileraartarnermut tunngasuni iluarsaaqqinneq Naalakkersuisunit qaqugu aallar-tinneqartussatut naatsorsuutigineqarpa?
- b) Har Naalakkersuisut taget stilling til, hvorledes man forholder sig til den be-tænkning, som blev afgivet af Skatte- og Velfærdskommissionen og de i be-tænkningen angivne anbefalinger?
- c) Ineqarnermut akiliutitut pisortanut akiligassatigut kinguaattoorutit ikilisarniarlugit ineqarnermut akiliutissat akissarsianit ilanngaatigineqartalernissaat Naalak-kersuisut ilanngullugit isumaliutigisimavaat?

AKISSUT: Aap, Naalakkersuisut tamanna isumaliutigisimavaat, taamaattoq suli-sitsisut akissarsianut atortuata A/S Inissiaatileqatigiiffimmut INI-mut akiliisitsinia-rtarneranut kiisalu Iserit A/S-imut ataatsimut qanoq attaveqalernissaq suli ilua-mik paasineqarani.

6.5 Konto pingaarneq 20.10.22 Iseritit allat

- a) Ukiumi aningaasanut inatsiseqarfiusumi matumani inissiat maannamut qanoq amerlatigisut tunineqarpat qanorlu amerlatigisut tunineqassangatinneqarpat aammalu tunisineq qanoq annertutigisumik isertitsissutaava kiisalu ukiumi anin-gaasanut inatsiseqarfiusumi matumani qanoq annertutigisumik isertitsiviusus-satut naatsorsuutigineqarpa?

AKISSUT: 2014-imi inissiat 3-t tunineqarput. Tunisinerit taakku 1,52 mio. kr.-inik isertitsiveqaataassapput, taannalu illuut A/S-imut attartortitsinerimut nikingas-sutaasa assigalugu, 20/20/60 naapertorlugu periuseq naapertorlugu at-tartormerimut assingulluni. 2015-imi inissiat 3-t tunineqarput, naatsorsuutaalluni 1,37 mio. kr.-inik isertitsissutaassasut. Naatsorsuutaavoq 2015-ip sinnerani inis-siat 6-it tunineqassasut, 2,5 mio. kr.-inik isertitsissutaassallutik, taamaalilluni 2015-imi naatsorsuutaalluni ataatsimut isertitassat 5,4 mio. kr.-it missaannis-sasut.

- b) Inissianut tunineqartunut taakkulu tunineqarneranni akiusunut takussutissiaq kissaa-tigineqarpoq.

AKISSUT: Illuut A/S paasissutissiivoq inissiat niuffaffinni akinut naligitinneqartunut tunineqarsimasut, taakkulu ataani allaqqapput.

Tårn 6 Nr.	kvadratmeter	illut-mut at-tartortitat	nutaamik 20/20/60 attartorneq	- illuut-mit akilerneqartut	Tunineqartut	Akia
202	89,3	938.096,50	482.220,00	455.876,50	1.3.2015	2.075.000
203	104,5	1.097.772,50	564.300,00	533.472,50	1.10.2014	2.450.000
302	89,3	938.096,50	482.220,00	455.876,50	15.3.2015	2.125.000
402	89,3	938.096,50	482.220,00	455.876,50	1.10.2014	2.295.000
403	104,5	1.097.772,50	564.300,00	533.472,50	15.9.2014	2.585.000
502	89,3	938.096,50	482.220,00	455.876,50	1.3.2015	2.275.000

c) Kontomut pingaarnermut matumunnga suliassamut kisitsisinik ilanngussinissaq ajornangila?

14.1 Konto pingarneq 70.01.07 Sanaartornermi oqartussaassuseq

Nakkutillineq ulluinnarni qanoq ingerlanneqarnersoq pillugu naatumik nassuiaat ataatsi-miititaliamit kissaatigineqarpoq?

Akissut:

Qitiusumik oqartussat (ullumikkut tassaasut Ineqarnermut, Sanaartornermut Attaveqarnermullu Naalakkersuisoqarfik) minnerusumik pisariaqartitsisoqaraangallu ilaatigut kommunit sanaartorneq pillugu inatsimmik eqquutsitsinersut nakkutigisarpaat, matumani ilaatigut sanaartukkat tikinneqarsinnaanerannut sanaartornermi inatsimmi aalajangersakkat pillugit eqquutsitsinersut, soorluttaaq sanaartukkat misissullattaarneqartartut misillitakkani katersineq ingerlatitseqqinnerlu eqqarsaatigalugit, aamma ilitsersuutit suliarinerinut il.il. suliagamernut tunngatillugit. Maanna sanaartornermi aqutsineq pillugu ilitsersuutit kiisalu illut radonimut isumannaallisarnerat pillugit ilitsersuutit suliarineqarput.

Qitiusumik oqartussat Neqerooruteqartitsisarnermut Maalaaruteqartarfik suleqatigalugu pisortat sanaartugassanut suliariumannittussarsiuussisarnerannik aamma misissugas-sanik ataasiakkaanik tiguisarput, ass. suliariumannittussarsiuussinermi allagarsiuussat misissornerisigut. Nakkutillineq taanna tunngavigalugu ilaatigut suliariumannittussarsiuussisunut ataasiakkaanut neqerooruteqartitsisarnermi inatsimmi suliariumannittussarsiuussinermut malittarisassat isiginiarneqassasut allakkatigut inassuteqaateqartoqarpoq.

Sanaartorneq pillugu inatsimmi kiisalu nunagissaanermi inatsimmi malittarisassaqqarpoq, tassani allaqqalluni kommuni tassaasoq najukkami inuiaqatigiinni nakkutilliusussaataasoq. Tassa imaappoq, kommunit nakkutigisassaraat inatsisit pineqartut atuutsineqarnersut. Nakkutillinerup aqqissuunna annertussusaalu kommunit namminneerlutik aalajangertarpaat, tassami inatsit malittarisassanik nakkutilliusutut oqartussap aqqissuussamik ornigulluni nakkutilliusussaataitaneramik imaqqanngimmat. Nakkutilliusussatut oqartussaq taamaasilluni sanaartorfinni ataasiakkaani ataavartumik aalajangersimasumillu ornigulluni misissuiartortussaataitanngilaq malittarisassat malinneqarnersut paasiniaalluni.

Nakkutilliisussatulli oqartussaq qisuariatussaaitaavoq inatsisunik unioqquitsisoqartoq maluginiarneqarpat, pissutsit pineqartut soqutaanngitsutut isikkoqanngippata. Kommunalbestyrelsip unioqquitsisoqartoq paasiguniuk, pineqartumi pissutsit pingaaruteqanngitsut pineqanngippata, inatsisit malinneqarnissaat anguniassavaa, Sanaartorneq pillugu Inatsisartut inatsisaanni § 18, imm. 3 naapertorlugu. Pisuni taama ittuni kommunip piginnittoq peqqussavaa pissutsit unioqquitsiviusut iluarseqqullugit. Pissutsinik, inatsimmut matumunnga aammalu inatsit naapertorlugu peqqussusiarineqartunut uniuuttunik iluarsinissaq sukkulluunniit sanaartukkamik piginnittup pisussaaffigaa, aamma sanaartugaq inatsisit uniorlugit atorneqalerpat tamanna atuisup pisussaaffigissavaa, Sanaartorneq pillugu Inatsisartut inatsisaanni § 16 naapertorlugu.

14.2 Konto pingaarneq 72.02.03 Boligstøtte pillugu aqutsinermit pilersaarusiornermullu aningaasartuutit

Pissusissamisoortumik pilersaarusiornikkut sanaartornermut aningaasartuutinit 10 %-it angullugit sipaaruteqartoqarsinnaasoq Naalakkersuisut naliliipput. Nunatta Karsiata 2014 aamma 2015-imi sanaartornermut aningaasartuutaanut sanilliullugit taakku kr. aamma ørinngorlugit qanoq amerlatigippat?

AKISSUT: Apeqquutip ersarissumik akineqarsinnaanngilaq. Akerlianilli paasissutissiisutigineqarsinnaavoq naapertuuttumik pilersaarusiortoqanngippat sanaartorneq 10% angullugu akisunerulersinnaammat. Tamanna ass. sumiiffiit ilaanni sanaartortoqarपालaarpat. Aamma peqqutaasinnaavoq sanaartornerit aalajangersimasumik akeqartusatat isumaqatigiissutaasut paasiuminaatsut suliariumannittussarsiuunneqarlutillu aallartinneqartut. Kiisalu sanaartorneq – aningaasaqarneq eqqarsaatigalugu – uninngavoq, taamaammallu aallartitsiniarnerit il.il. aningaasartuutaaffiungaatsiartarlutik.

14.3 Konto pingaarneq 72.06.51 Inissianik tunisineq - ilanngaaseereerluni tunniussineng

- a) Namminersorlutik Oqartussat inissiaataasa tuniniarneqarneranni Nuup avataan-iittut aallunneqartut AIS 2014-ip oqaluuserineqarnerani Naalakkersuisut paasis-sutissiipput. Suli taamaattoqarpa?

AKISSUT: Aap. 2014-imi Nuummi inissianik 6-nik illoqarfinnilu allani inissianik 23-inik tunisisoqarsimavoq.

- b) Tuniniaanerup neriuuteqarfigineqarnerata taama appariaateqarnerujussuanut suna pissutaava?

AKISSUT: Neqeroorutaasartut piumaneqarnerallu nikerartuuvog, kiisalu sumiif-finni assigiinngitsuni niuffaffinni nalilersuisarnerit pitsaassusaallu nikerartuulluni.

- c) Inissiat qanoq ittut pineqarpat?

AKISSUT: Ilaqutariit illui kiisalu uiguleriiaat.

14.4 Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

- a) Kalaallisuuani taaguutaa kukkusumik allanneqarpoq. 2015-imi Aningaasanut Inatsit akuerineqartoq Naalakkersuisut saqqummiutilerpassuk tamanna iluarsin-narneqarsinnaavoq.

14.5 Konto pingaarneq 72.10.17 Inissiat normuinut akiliisarneq

- a) Suliffeqarfiit Namminersorlutik Oqartussanit pigineqartut, INI eqqaassanngikkaanni, arlaannaalluunniit sulisorisanut inissianik atuinngimmat eqqorpa?

AKISSUT: Nuummi A/S Inissiaatileqatigiiffik INI aamma Katuaq sulisunut inissianik innersuussisinnaapput, illoqarfiit sinnerini suliffeqarfiit sulisunut inissianut normunik atuinissaminut qinnuteqarsinnaapput. Qinnuteqaatit sumiiffinni ineqarniarneq inissiansiornerlu aallaavigalugit nalilersorneqartarput.

- b) Suliffeqarfiit Namminersorlutik Oqartussanit pigineqartut amerlasuut Kalaallit Nunaanni Namminersorlutik Oqartussanit tapiiffigineqartumik (tassunga ilanngullugu ernialersugassaanatillu akilersugassaanatik taarsigassarsianit) sulisorisanut inissianik namminneq sanaartorsimanagerat eqqarsaatigalugu aammalu suliffeqarfiit taakku ilarpasui kisermaassisussaallutik inissisimallutik (assersuutigalugu Tele) nammineq inissiaatinik sanaartornerminni aningaasartuutimik tamarmiusut atuisunut akilersissallugit periarfissaqartut (aammalu attartornermut akiliutit appartissimanissat siunertaralugu tapiissutit tamatumunga attuumassuteqartut) eqqarsaatigalugit nalinginnaasumik inissiat ator-tinnagit suliffeqarfiit sulisorisanut inissianik namminneq "pinngitsaalillugit" sanatinneqarnerat ilumut pitsaasumik niuernerunersoq qularinarsinnaavoq. Tamanna Naalakkersuisunit qanoq isigineqarpa?

AKISSUT: Ilumoorpoq namminersorlutik oqartussat Nuummi suliffeqarfiutaasa pigisatik qaffassimammagittit Nuummi sulisunut inissianik innersuussisarnerup ingerlannissaanut naapertuuttunik. Tassunga aningaasartuutaasut annertusinerisa suliffeqarfiit neqeroorutaannik atuisut eqqugaapput, akileraartartut tamaasa eqqornagit, tassami akileraartartut tamarmik pisortat inissialiaannut aningaasaleeqataasuugamik. Naalakkersuisut eqqortutut isigaat suliaasaqarfiit ilaannut aningaasaliinerit nioqqutissat akii sunnertarmagittit.

14.6 Konto pingaarneq 72.20.05 Ilaasunik angallassinermut tapiissutit

- a. Ingerlatsisuni sulisut akikitsumik angalanissamut qanoq annertutigisumik neqeroorfigineqartarpat?

AKISSUT: Ilaasunik angallassisartut 3-t isumaqatigiissusiorfigineqarsimapput, makkulu ilisimatitsissutigaat:

Air Greenland, timmisartuussinernut tamanut isumaginnittoq, ilisimatitsivoq nunap immikkoortuinut sullissinissamik isumaqatigiissusiorfiusunut sulisut akikillisaaffigineqartannigitsut. Taamaattoq Kujataani killilimmik timmisartuussinernut tunnganngilaq, taamaattoq inissat inoqanngitsut atornerqartarput, taamaalliluni timmisartuussinerit atorluarneqartarlutik.

Arctic Umiaq Line, Qeqqani umiarsuarmik angallassisarnissamut isumaqatigiissusiorfigineqarsimasoq, ilisimatitsivoq nuliatic/uitik / aappatik kiisalu meeqqatik 18-it inorlugit ukiullit ukiumut ataasiarlutik Sarfaq Ittummi sulisut ilagisinnaagaat. Sulisorineqartulli umiarsuup ingerlaarnerani sulisarput. Sulisut, Nunatta Qeqqanik umiarsuarmik ilaasortaammi sullissisut, Sarfaq Ittummit isumagineqannigitsut, akikillisaaffigineqartannigillat.

Diskoline, Qeqertarsuup Tunuani ilaasunik immakut angallassisartut, ilisimatitsivoq sulisut akikillisaavigineqartannigitsut.

- b. Ukiuni aggersuni akuttunngitsumik nakkutilliisarnissamut imaluunniit akuersis-suteqartarnissamut atatillugu Arctic Umiq Linep sinersortaataannut aningaasaliinernut nutarterinernulluunniit annertunersumik aningaasartuuteqarnissaq naatsorsuutigineqarpa?

AKISSUT: Amigartornissamut qularnaveeqqusiinissanut isumaqatigiissut 2016-p naaneranut atuuppoq, isumaqatigiissummilu tassani ingerlaavartumik aserfal-latsaaliinissamut aningaasartuutit akilernerqarnissaannik isumaqatigiittoqarluni. Ingerlatseqatigiiffik isumaqatigiissusiorfigineqarpoq 2015-imi misissorneqas-sasoq 2017-imi periarfissat sorliit ingerlatiinnarneqarsinnaassanersut. Suliner-mi tassani aamma soorunami aningaasaliinerit umiarsuullu nutarternissaata pisari-aqarnera nalilersorneqassapput. Taamaammat maanna siusippallaarpoq oqaatigissallugu aningaasartuutit sorliit amigartornissamut qularnaveeqqusi-nissami ilaajumaarnersut.

14.7 Konto pingaarneq 72.20.07 Nakkutilliineq misissuinerlu, angallanq AAMMA

Konto pingaarneq 72.20.08 Imarsiornermi isumannaallisaaneq

- a. Suliasat kikkunnit isumagineqarpat aammalu Arktisk Kommandop Nuummut nuunne-qarnera kontonut pingaarnernut taakkununga sunniuteqarsimava?

AKISSUT: Kontoni pingaarnerni tassani suliasat eqqaaneqartut timmisartumik umiarsuarnullu sullissinissamut Ineqarnermut, Sanaartornermut Attaveqarner-mullu Naalakkersuisoqarfimmi akisussaasunit suliarineqassapput. Issittumi Sak-kutooqarfik taakkulu Nuummut nuunnerat kontoni pingaarnerni taakkukani sun-niuteqanngillat.

14.8 Konto pingaarneq 72.20.10 Usinik assartuineq

- a. Royal Arctic Line A/S-imi (RAL) aamma Royal Arctic Bygdeservice A/S-imi (RAB) pisariillisaanerit piviusunngortinniarneqarnerannik sulineq sumut killippa? 2011-mi siunnersortimit avataaneersumit ikiorteqarnikkut Royal Arctic Line A/S-imi ukiumut 30 mio. kr.-it pisariillisaassutaasinnaasut nassaarineqarnerat aallaavigalugu ataatsimiititaliap apeqqutaa isigineqassaaq. RAL-imi RAB-milu aningaasartuuteqariaatsit ingerlatsinerullu pitsaanerpaaffimmiitinnegarnissaata suli eqqumaffigineqarnissaa pisariaqartoq RAL-ip assartuiner-mut akinik aammaarluni qaffaaqqinniarluni ilimasaaruteqaqqammerneratigut erseqqissar-neqarpoq.

AKISSUT: RAL 2008-miilli suliffeqarfimmi amerlasuunik pitsanngorsaasimavoq. Taamaaliornikkut 2008-mit 2012-imut tamakkiisumik sulisut 862-iniit 785-inut iki-lisineqarput, soorluttaaq sulisumut ataatsimut kaaviiartitat 0,98-mit 1,1 mio. kr.-inut piffissami tassani qaffassimasut. Suliffeqarfik suli pitsanngorsaaqqinnis-samut pilersaaruteqarpoq, 2014-imullu pisariillisaanissamut 20 mio. kr. nalin-ginut siunnerfeqarluni. Tamanna naammangilaq umiarsuarnut nutaanut 2015-imi tunniunneqartussat eqqarsaatigalugit piumasaqaatit naammassineqassap-pata. Tassani piumasaqaataavoq akileraarutit ilanngaatinagit 35 aamma 40 mio. kr.-it inernerussasut. Tamanna tunngavigalugu assartuiner-mut akit 2014-imi 5 %-inik qaffanneqarput, kiisalu 2015-imi aamma 5 %-imik ilaqqinneqarsin-

naallutik, tamanna pisariaqartinneqassappat. Pisariaqartinneqartoq 4,8%-iusoq paasinarsivoq, tamannalu 1. marts 2015 aallarnerfigalugu atuutsilerneqarluni.

- b. Assartuinnermut akinik qaffaaqqinnermik inuiaqatigiit misigisaqaqqeqqunagit ingerlatseqatigiiffimmi pisariillisaqqinnissamut kaammattuinnissaq Naalakkersuisut isumaliutigisimavaat?

AKISSUT: 2015-ip upernaavani suliffeqarfissuaq RAL misissoqqissaarneqasaaq, tassani ingerlatseqatigiiffiup aningaasaqarnera, suliassaqarfii, inatsisitigut tunngavia il.il. misissorneqassapput pisariillisaanerit pitsanngorsaanerillu assartuinnermut tunngasut pillugit periarfissat suussusersiniarneqassallutik. Naatsorsuutigineqarpoq sulineq 2015-imi tamarmi ingerlanneqassasoq.

- c. Tapiiffigeqatigiittarnermik misissuineq Naalakkersuisut siuliisa aallartinneqartusatur aalajangiussaatur sumut killippa?

AKISSUT: Tapiiffigeqatigiittarneq misissueqqissaarnermi 14.8.b-mi eqqaaneqartumi ilaatinneqassaaq.

14.9 Konto pingaarneq 72.24.02 Mittarfeqarfiit, Naalagaaffimmut kiffartuussinerit

- a. Kalaallit Nunaat qulaallugu timmisartuussinernik nakkutilliineq konto pingaarneq una aqqutigalugu isumagineqarpa?

AKISSUT: Naamik, kontomi pingaarnermi aningaasartuutit utertinneqartarput Mittarfeqarfiit Illersorneqarfimmut sullissinissamik isumaqatigiissutaat aallaavigalugu, taannalu Namminersorlutik Oqartussat Illersornissaqarfiup Kangerlusuarmi atorunik atorsinnaanermut isumaqatigiissutaannut tunngavoq. Kalaallit Nunaat qulaavaallugu timmisartornerit qallunaat oqartussaaffigaat, taamaamallu aningaasanut inatsimmi tamanna ilaatinneqarani.

14.10 Konto pingaarneq 72.26.02 Kalaallit Nunaanni Mittarfiit, Mittarfeqarfiit

- a) Akitsuutini akileeqqusisarnermi tapiiffigeqatigiinneq ingerlanneqarpa?

AKISSUT: Aap, nunap immikkoortuinut sulianullu atatillugu tapiiffigeqatigiittoqartarpoq.

- b) Mittarfeqarfinni aserfallatsaaliuinnermut aningaasartuutit konto pingaarneq una aqqutigalugu akilerneqartarpat?

AKISSUT: Konto una ingerlatsinermut atorpoq. Taamaammatt aningaasartuutaatitaqarani, taamaattoq ukiumut akileeqqusisoqartarpoq, taakkulu Nunatta karsianut nakkartinneqartarlutik.

16.7 Konto pingaarneq 84.40.17 Meeqqanik inuusuttunillu paaqqinnittarfiit

- a) Paaqqinniffiit sorliit pineqarpat?

AKISSUT: Atualertussanut Meeqqallu Atuarfiinut aserfallatsaaliinermut aqqisusussinernullu sanaartornernut, aserfallatsaaliinernut nutarterinernullu akisusaasut allaffissornikkut aqutsisooqatigiit sap. ak. 12-mi ataatsimiinnerminni isu-

maqatigiissutigaat AI2014-imi aningaasanik kiisalu AIA2015-imut aningaasat missingiunneqartunut kommuninut agguaassigallarnissaq. Kommuninut si-samaasunik kissaatit Ilinniartitaanermit, Kultureqarnermit, Ilisimatusarnermit Ilageeqarnermullu Naalakkersuisoqarfimmu tunniunneqalerput, kisianni kom-munit ataasiakkaat Namminersorlutik Oqartussanit tapiissutinik sanaartukkat sorliit salliutinneqarniarnersut suli paasineqarani. AI 2015 akuersissutigineqari-arpak qassinillu tunniussisoqassanersoq ilisimaneqaleriarpak aningaasat ag-guaanneqassapput.

- b) Naalakkersuisut kommunillu akornanni suliassanik nammatassanillu agguataa-rineq pillugu isumaqatigiissut eqqarsaatigalugu ulluunerani paaqqinnittarfiit pineqarnerat taakkuninnga pilersitsinermut ingerlatsinermullu qanoq kin-guneqarpa?

AKISSUT: Isumaqatigiissutigineqarpoq aaqqiigallarnertut kommunit sanaar-torniagaannut sanaartugassat 50 %-iinik agguaassinissap isumaqatigiis-sutaasup iluani Namminersorlutik Oqartussat tapiigallassoq.

- c) Ulluunerani paaqqinniffivinnik pilersitsinissamut taarsiullugu illunik sammisa-saqartitsivinnik pinnguarterfittut atorineqarsinnaasunik sanaartorneq isu-mallutigineqarsinnaava?

AKISSUT: AAP.

16.9 Konto pingaarneq 87.11.06 Ukiut tallimassaanni misissuisarneq

Misissuinerit ukiumut qassit ingerlanneqartarpat aammalu suliak tamarmik misis-sorneqartarpat?

Akissut: Ukiut tallimassaanni misissuinerit AI-mi aningaasaliissutaasut apeqqutaatillugit amerlassuseqartarput. Ileqquuvoq pillugit suliniutit 5 mio. kr. sinnilinnut ukiut tallimas-saanni misissorneqartarput Kalaallit Nunaani Namminersorlutik Oqartussat sanaar-tortitsisuugaangata.

16.10 Konto pingaarneq 87.11.09 Assartuussineq pillugu Isumalioqatigiissitaq

- a) Assartuussineq pillugu Isumalioqatigiissitaq isumaliutissiissutaa Naalakkersuis-unit pingaaruteqartutut isigineqarpa?

AKISSUT: Assartuinermit Isumalioqatigiissitaq attaveqatigiinneq ataatsimoo-rtok annertuumik misissueqqissaarfigaa, suliniutillu amerlasuut Isumalioqatigiissitami inassutaasut suli maanna suliareqarput. Eqqumaffigini-assallugu pingaarpoq Assartuinermit Isumalioqatigiissitaq inuiaqatigiinnut anin-gaasaqarneq kisiat tunngavigalugu inassuteqaatai inassutigissallugit tulluussi-manersut paasiniassallugu. Tassa imaappok, suliniutinut ataasiakkaanut misis-sueqqissaartoqaleraangat ingerlatsinermut aningaasartuutit aamma ilanngullugit misissorneqartassat. Assartuinermit Isumalioqatigiissitaq misissueqqissaar-neri taamaallutik attaveqatigiinnermit ineriartortitsinissamut pilersaarusiorn-issamut atorineqarsinnaaniassammata, taamaattoq suliniutit ataasiakkaat As-sartuinermit Isumalioqatigiissitaq nallersuisimanerannut innersuussilluni aala-jangiiffigineqarsinnaanngillat.

- b) Sinissami siuariartornissamut Assartuussineq pillugu Isumalioqatigiissitap isumaliutissiisummini tunngavissaatitai suli atuuppat?

AKISSUT: Attaveqatigiinnermi suliniutit sorliit suliarineqassanersut Assartuinnermut Isumalioqatigiissitap nalilersuinnermi pingaarutilimmik atorneqartarpoq. Assartuinnermut Isumalioqatigiissitap ineriartorfiusinnaasut sissuertumik nalilersoraluarpai, tamannali kingorna paasinarsivoq naammassimanngitsaq. Taamaammat misissueqqissaarnerit malitseqaritsissutaasut pingaaruteqartorujussuupput, taamaaliornikkut aalajangiinerit maanna pisunut naaper-tuuttumik pisinnaaniassammata.

- c) Mittarfiit sorliit sulissutigineqaqqittariaqarnersut qanorlu pingaarnersiorneqassa-nersut pillugit Naalakkersuisut naliliissuteqarsinnaappat?

AKISSUT: Timmisartuussineq pillugu immikkut pilersaarusiornissaanut ineriartortitsisoqarpoq, taannalu 2015-ip ukiuata affaani siullermi tamanut saqqummiunnissaa naatsorsuutaalluni. Nunatsinni mittarfinnik ineriartortitsinissaq pillugu pilersaarut uani ilaavoq. Salliuitsiniarnermut suliat immikkoortumi 3.16.b-mi akissuutit innersuunneqarput.

- d) Mittarfiit pillugit pilersaarutit aningaasanut inatsisissanut aggersunut Naalakkersuisunit ilanngunneqartussatut naatsorsuutigineqarpat?

AKISSUT: Nunatsinni mittarfinnik ineriartortitsinissamut aningaasanik atungas-sanik amerlasuunik illikartitsisoqartariaqartoq qularnanngilaq. Matuma allanerani aningaasaliinissamut pisariaqaritsineq misissorneqarpoq, taassumalu kingorna aningaasaliinissamut ukiukkaartumik agguannissaat ilanngullugit aamma eqqarsaatigalugit. Suliniutit tamaasa ataatsikkut aallartinnissaat pisinnaanngilaq, taamaammallu pingaarnersuisariaqarluni. Naalakkersuisut naatsorsuutigaat UKA2015-imi aningaasalersuinissamut pilersaarummik inaarutaasumik peqalerumaartoq.

- e) Suliniummi Newportimi Naalakkersuisut qanoq annertutigisumik akuuppat?

AKISSUT: Immikkoortumi 3.16.b-mi akineratut Ilulissani mittarfiup inerisarnissaa pingaartinneqartorujuuvoq, taamaaliornermi takornariaqarnerup ineriartornerata ikorfartorneqarnissaanut pingaaruteqarmat. Naalakkersuisut suli aalajangiuti-vinnigilaat oqartussaaffimmut sumut taanna ilineqassanersoq, Qaasuitsup Kommuniatali Projekt Newport-imut eqqarsaatersuutai Ilulissani attaveqatigi-innermut ineriartortinneranut misissueqqissaarnernut atatillugu tamanna pingaartutut ilaatinneqarpoq.

16.11 Konto pingaarneq 87.72.22 Nunaaqarfinni isorliunerusunilu inissialioriternermut pilersaarut

- a) Ulluunerani paaqqinniffivinnik pilersitsinissamut taarsiullugu illunik tamanut sul-lissiviusunik pinnguarterfittut atorneqarsinnaasunik sanaartorneq isumaliutigi-neqarsinnaava?

AKISSUT: Aap. Illunik tamanut sullissiviit ulluunerani paaqqinnittartunit naapiffittut atorneqarsinnaapput. Sanaartugaq naammassippat kommunimut tunniunneqassaaq, tassanilu ulluinnarni qanoq ingerlanneqassanersoq aalajangiiffigneqassalluni.

- b) Ataatsimut illuliassat taamaatiinnarneqartut pillugit kisitsisitigut paasissutissanik Naalakkersuisut suliaqartarpat?

AKISSUT: Ataatsimut illuliassat periaatsimi nutaamiittut tamarnik sananeqassapput.

- c) Ataatsimut illuliassat naammassineqarnissaat siuarsarniarlugu Naalakkersuisut kommunillu qanoq qanitsigisumi suleqatigiippat?

AKISSUT: A/S Inissiaatileqatigiiffik INI maannarnut ilitsersuinermi qulakkeerinittartuusimavoq kiisalu ataatsimut illulianik sanaartornermi nakkutilliineq ilanngullugu aamma eqqarsaatigalugu.

- d) Ataatsimut illuliassanut sanaartornermi atortussat pitsaassusiat ingerlaavartumik nakkutillivigineqarpa?

AKISSUT: Aap.

16.13 Konto pingaarneq 87.73.10 Umiarsualiviit

- a) Nuup Umiarsualiviata allilernerneqarneranik suliaq sumut killippa?

AKISSUT: Sikuki suliariumannittussarsiuussisimavoq, tamatumalu aningaasalersornissaa inissinniarnearluni, suliaq aallartissinnaaniassammatt. 2016-ip naanerani umiarsualivik piareersimassasoq pilersaarutaavoq.

- b) Kangerlussuarmi nutaamik umiarsualiviliornissaq Naalakkersuisut isumaliutaanut ilaava?

AKISSUT: Aap, Naalakkersuisut Kangerlussuarmi umiarsualiviup ineriartortinnissaa pingaartippaat, taamaalilluni Kangerlussuarmi takornarianut ilaasortaa-terpassuinituut paarlakaatiinnavissunut piareersimaniassapput.

- c) Nunatsinni umiarsualivinni anginerpaani iluarsaanissamik kinguaattoorutit maanna qanoq annertutigaat?

AKISSUT: Umiarsualivinnik aserfallatsaaliinerup kinguaattoorfiusimanera immikkut paasisiaaavoq, qanorlu isiginninneq apeqqutaalluni qanoq annertutiginersoq aalajangerneqarsinnaalluni. Pisuni arlalinni umiarsualiviup isikkoqqavatat isikkunitsinnissaanut qanoq akeqarnissaa paasissallugu isumaqannginami, talittarfiit qanganisaanermik nutartertariaqarlutillu. Talittarfiit ilaqarput tunngaviatigut pisariaqanngitsunik, umiarsualivinnullu suliasanut ataatsimut ilaatinneqaannassappata aningaasarpassuarnik aserfallatsaaliineranut siunissami atuisoqartariaqassaaq. Umiarsualivinnut tunngatillugu immikkoortunut pilersaarutit suliarinerani pingaarpoq suliasamat allatut eqqarsarluni aqqeeriarsinnaanissaq, ineriartortitsinissamullu pilersaarut suliarineqarsimavoq, tassani qulakkeerniarneqassalluni nunatsinni tamani umiarsualiviit ukiut 10-15-it iluanni

nutarterneqarsimanissaat. Pilersaarulli taanna piviusunngortinneqassappat umiarsualiiviit arlallit atorunnaarsinneqartariaqarput imaluunniit allanut tunniunneqarlutik - ass. kommunenut namminersortunulluunniit.

Umiarsualivinnut suliassaqaqarfinnut immikkut pilersaarut siulleg naammassereerpoq paskellu kinguninngua kommunenut tusarniaassutigiginissaa naatsorsuussaalluni, oqaloqatigiilluarnissaq naatsorsuutigineqarpoq, taamaattumillu taamaaliornikkut qulakkeerneqassalluni pisariaqartinneqartut naapertorlugit umiarsualivinni attaveqaqatiginneq pitsaasoq pilersinneqassalluni.

- d) Umiarsualivinnut immikkoortumut pilersaarut naammassineqariarpat nassiunneqassasoq ataatsimiititaliamit kissaatigineqarpoq.

AKISSUT: Kissaat taanna soorunami akuerineqarpoq.

16.15 Konto pingaarneq 89.72.11 Nammineq inissianik tapiissutitalimmik sanaartorneq

- a) Ataatsimiititaliap paasininnera malillugu ukiuni 15-ini ernialersugassaanatillu akiler-sugassaanngitsunik 20/20/60 atorlugu taarsigassarsianik (siusinnerusukullu 10/40/50 atorlugu taarsigassarsianik) arlalippassuarnik ukiut ingerlanerini tunniussisoqartarpoq. Ataatsimiititaliali ilisimavaa inissianik pisisut amerlasuut ukiuni 20-30-ni ingerlaartussanik realkreditimit akiligassittartut. Allatut oqaatigalugu inissianik pisisut taakku Nunatta Karsianut akiitsunik akiliinermut – tamanna periarfissaappat ilimananngilarmi taarsigassarsiaqartut tamarmik taama periarfissaqartut – peqatigitillugu illumut taarsigassarsiarineqartut tamarmiusut sinneri realkredit aqutigalugu ukiut 15-it ingerlareerneranni realkreditimik taarsigassarsiatik kiisalu Nunatta Karsianit taarsigassarsiatik ataatsikkut akilersulertussaavaat. Inissianik niuerfiup siunissaq ungasissoq ilanngullugu aalajaatsuunissaa immikkut siunertaralugu ajornartorsiummut tamatumunnga Naalakkersuisut qanoq oqaaseqaatissaqarpat?

AKISSUT: Naalakkersuisut ilisimangilaat illuutillit attartukkaminik allanngortitsisinnaannginnerat. Attartukkanik maannakkorpiaq allanngortitsinissamut piffissaalluartorujussuuvog realkredit-imit taarsigassarsiat erniaat aatsaat taama appasitsigimmata.

- b) Aningaasaliissutit ilaat qanoq amerlatigisut Illuut A/S-imit atorneqalersaarpat?

AKISSUT: Soqanngilaq.

16.16 Konto pingaarneq 89.72.12 Inissialiassat taartissanillu inissialiortiterneg

- a) Aningaasaliissutit taama ikileriarfiginerannut suna tunngaviua?

AKISSUT: Tamanna peqquteqarpoq naalakkersuinikkut AIS 2015-imi pingaarnersiusoqarnissaanik agguassinissamut atatillugu.

- b) Illuut A/S manna tikillugu qanoq annertutigisumik taarsigassarsiaqalerpa?

AKISSUT: Illuut A/S 2013-imut naatsorsuutaanni erserpoq akiitsut katillugit 1 mia. kr.-iusut Taakkunannga Nunatta karsianut akiitsut erniaqanngitsut akiler-sugassaanngitsullu 700 mio. kr.-it kiisalu aningaaserivinnut taarsigassarsisarfinnullu 300 mio. kr.-iullutik.

- c) Illuut A/S-ip qanoq amerlatigisunik akiitsoqarsinnaaneranut killissanik aalajanger-saasoqarsimava?

Akissut: Ingerlatseqatigiiffiit pillugit malittarisassat naapertorlugit killeqanngilaq, kisianni aningaaseriviit taarsigassarsisarfillu ingerlatseqatigiiffimmut Illuut A/S-imut attartugassanik tunniussinnginnermi aningaasaqarnera pillugu nalilersueqqaartarput.

- d) Illuutip ingerlatsineranut maleruagassiisunik inatsimmik suliaqarneq sumut killippa?

AKISSUT: Illuut A/S pillugu inatsisit 2016-imi saqqummiunneqassasut naatsorsuussaavoq.

- e) Nuummi Tuujummi barakkit arlallit ukiut arlalinngulerput isaterneqarmatali, sooq tassani taartissanik sanaartorneq aallartinneqarsimangila?

AKISSUT: Illuutit kommunemit pigineqarput, Naalackersuisullu ilisimangilaat sanaartornissamik pilersaaruteqartoqarnerasoq.

- f) Nuup qeqqani raadiup qaqaani sanaartukkat ilaasa isaterneqarnissaat suli kissaataava?

AKISSUT: Aap. Naalackersuisut naatsorsuutigaat Radiofjeldet nutaaliorfiussa-soq Kommuneqarfik Sermersoorlu oqaloqatigerusullugu illoqarfiup taassuma immikkoortortaaniq nutaaliornissamut tunngasunik, taamaattoq suli manna tikillugu suliniutinut pilersaarutiniq peqartoqanngilaq. Aningaasanut inatsimmi taamaammatt isaterinissaq illoqarfimmilluunniit nutarterinissanut suliniutit ilaatinneqanngillat.

- g) Sulisunut inissianik pisariaqartitsineq aammalu sulisunut inissianik attartortumit piginnittumut aqqqissuussineq aqqutigalugu tuniniaanermik Naalackersuisut suliniutaat qanoq imminnut ataqatigiippat?

AKISSUT: Ataqatigiinnera unaavoq, tassalu Naalackersuisut kissaatigaat innuttaasut inuunermi atukkaminut annerusumik akisussaaffimmik tigu-seqataanissaat.

- h) Illoqarfinni anginerni tallimani inissiamik attartortittakkamik initaarnissamut utaqqisarneq ullumikkut qanoq sivilutigiva?

AKISSUT: A/S Inissiaatileqatigiiffik INI paasissutissiivoq utaqqinerit aggu-aqatigiissillugu ima isikkoqartut:

Nuuk: Qaammatit 26 aamma 108-it akornanni, apeqqutaalluni inissiap angissusaa

Sisimiut: Qaammatit 7,25 aamma 18,75-it akornanni, apeqqutaalluni inissiap angissusaa

Ilulissat: Qaammatit 18,6 aamma 38,4-it akornanni, apeqqutaalluni inissiap angissusaa

Qaqortoq: Qaammatit 2,5 aamma 17,5-it akornanni, apeqqutaalluni inissiap angissusaa

Aasiaat: Qaammatit 4,1 aamma 23-it akornanni, apeqqutaalluni inissiap angissusaa.

Piffissanut akunnaallisakkanut tunngatillugu nikingassutit annertoorejussuusinaapput. A/S Inissiaatileqatigiiffiup INI-p assersuutigalugu ilisimatitsissutigaa Qaqortumi Tasersuup eqqaani inissianut 4-nik initalinnut utaqqisarneq qaammammi ataasiinnarmi utaqqisartut, Qaqortulli illoqarfiata qeqqata missaani inissianut 4-nik initalinnut utaqqisarneq ukiuni 2,5-ni pisinnaalluni.